

Zbirka medijskih objava

Vlada Brčko Distrikta_kliping_dnevno,
za razdoblje 7. 4. 2020

Broj objava: 12

Internet: 4

Štampa: 8

Teme praćenja:

Vlada Brčko Distrikta: 2

Gradonačelnik: 2

Skupština Brčko: 0

Brčko: 9

Vlada Brčko Distrikta:

Internet	Naslov	Objavljen Javni poziv za pomoć privrednim subjektima		
Serijski br. 1	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 6. 4. 2020		
Stranica u zbirci: 6	Autor	Unknown		
	Teme	Vlada Brčko Distrikta		

Štampa	Naslov	Javni poziv za pomoć privrednicima u Brčkom		
Serijski br. 2	Medij; Doseg	Poslovne novosti; , Bosna i Hercegovina	Stranica: 2	Površina: 46 cm ²
	Rubrika, Datum	Poslovne novosti; 7. 4. 2020		
Stranica u zbirci: 7	Autor	Unknown		
	Teme	Vlada Brčko Distrikta , Brčko		

Gradonačelnik Brčko Distrikta:

Internet	Naslov	U srijedu oko 12 sati uživo na Otisku: "Građani pitaju" gradonačelnika Brčkog		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 6. 4. 2020		
Stranica u zbirci: 9	Autor	Unknown		
	Teme	Gradonačelnik Brčko Distrikta		

Internet	Naslov	Milić: Zahvalnost službama koje rade i u vrijeme epidemije		
Serijski br. 2	Medij; Doseg	Radiobrcsko.ba; , Bosna i Hercegovina		
	Rubrika, Datum	Ostalo; 6. 4. 2020		
Stranica u zbirci: 10	Autor	Unknown		
	Teme	Gradonačelnik Brčko Distrikta		

Brčko:

Internet	Naslov	Predsjedništvo BiH traži da se zatvore svi granični prijelazi gdje nisu uspostavljeni karantini, rok je 24 sata		
Serijski br. 1	Medij; Doseg	Klix.ba; 1.158, Bosna i Hercegovina		
	Rubrika, Datum	Ostalo; 6. 4. 2020		
Stranica u zbirci: 12	Autor	A. Z.		
	Teme	Brčko		

Štampa	Naslov	SAOBRAČAJ ĆE PONOVO BITI PO STAROM REŽIMU		
Serijski br. 2	Medij; Doseg	Euro Blic; , Bosna i Hercegovina	Stranica: 23	Površina: 306 cm ²
	Rubrika, Datum	Regioni; 7. 4. 2020		
Stranica u zbirci: 13	Autor	C.Kovačević		
	Teme	Brčko		

Štampa	Naslov	ФОТО-БИЈЕСТ		
Serijski br. 3	Medij; Doseg	Glas Srpske; , Bosna i Hercegovina	Stranica: 10	Površina: 48 cm ²
	Rubrika, Datum	Hronika; 7. 4. 2020		
Stranica u zbirci: 14	Autor	J. S.		
	Teme	Brčko		

Štampa	Naslov	Još pet žrtava korone		
Serijski br. 4	Medij; Doseg	Nezavisne novine; , Bosna i Hercegovina	Stranica: 5	Površina: 215 cm ²
	Rubrika, Datum	Događaji; 7. 4. 2020		
Stranica u zbirci: 15	Autor	Lajić Goran		
	Teme	Brčko		


Štampa	Naslov	Zahtjevi Vijeću ministara		
Serijski br. 5	Medij; Doseg	Oslobođenje; , Bosna i Hercegovina	Stranica: 3	Površina: 54 cm ²
	Rubrika, Datum	U žiži; 7. 4. 2020		
Stranica u zbirci: 16	Autor	Unknown		
	Teme	Brčko		

Štampa	Naslov	Organizacija je pola posla		
Serijski br. 6	Medij; Doseg	Oslobođenje; , Bosna i Hercegovina	Stranica: 9	Površina: 347 cm ²
	Rubrika, Datum	Događaji; 7. 4. 2020		
Stranica u zbirci: 17	Autor	Esad Cerović		
	Teme	Brčko		

Štampa	Naslov	Promijeniti maćehinski odnos prema domaćem		
Serijski br. 7	Medij; Doseg	Oslobođenje; , Bosna i Hercegovina	Stranica: 13	Površina: 307 cm ²
	Rubrika, Datum	Biznis i ekonomija; 7. 4. 2020		
Stranica u zbirci: 18	Autor	Unknown		
	Teme	Brčko		

Štampa	Naslov	Javni poziv za pomoć privrednicima u Brčkom		
Serijski br. 8	Medij; Doseg	Poslovne novosti; , Bosna i Hercegovina	Stranica: 2	Površina: 46 cm ²
	Rubrika, Datum	Poslovne novosti; 7. 4. 2020		
Stranica u zbirci: 19	Autor	Unknown		
	Teme	Vlada Brčko Distrikta , Brčko		

Štampa	Naslov	Imamo dovoljno mogućnosti za snabdijevanje cijelog domaćeg tržišta, te za očuvanje pozicija na različitim izvoznim tržištima		
Serijski br. 9	Medij; Doseg	Poslovne novosti; , Bosna i Hercegovina	Stranica: 9	Površina: 374 cm ²
	Rubrika, Datum	Poslovne novosti; 7. 4. 2020		
Stranica u zbirci: 20	Autor	Unknown		
	Teme	Brčko		



Predsjedništvo BiH traži da se zatvore svi granični prijelazi gdje nisu uspostavljeni karantini, rok je 24 sata

Predsjedništvo BiH primilo je k znanju informaciju predsjedavajućeg Vijeća ministara BiH o mjerama i aktivnostima koje se preduzimaju na zaštiti od pandemije koronavirusa, kao i o mjerama za ublažavanje ekonomskih posljedica.

Predsjedništvo BiH primilo je k znanju informaciju predsjedavajućeg Vijeća ministara BiH o mjerama i aktivnostima koje se preduzimaju na zaštiti od pandemije koronavirusa, kao i o mjerama za ublažavanje ekonomskih posljedica.

Predsjedništvo BiH konstatuje da su vlasti u Bosni i Hercegovini blagovremeno preduzele mjere na zaštiti od pandemije, te da se preduzimaju mjere na zaštiti ekonomije.

Predsjedništvo BiH konstatuje da se realizuju zaključci Predsjedništva BiH sa 56. vanredne sjednice Predsjedništva BiH od 16. marta 2020. godine i 57. vanredne sjednice Predsjedništva BiH od 22. marta 2020. godine.

"Imajući u vidu epidemiološko stanje u Bosni i Hercegovini vezano za borbu protiv koronavirusa, Predsjedništvo BiH traži od Vijeća ministara BiH da, u saradnji sa entitetskim vlastima i vlastima **Brčko** Distrikta BiH, u roku od 24 sata, na graničnim prijelazima za protok ljudi osigura karantine. Ukoliko se to ne uradi, Predsjedništvo BiH traži da se zatvore svi granični prijelazi za protok ljudi na kojima nisu uspostavljeni karantini. Predsjedništvo BiH zahtijeva od Vijeća ministara BiH da se, u saradnji sa entitetskim vlastima i vlastima **Brčko** Distrikta BiH, u lokalnim zajednicama također osiguraju karantini za sve osobe koje iz inostranstva dolaze u Bosnu i Hercegovinu, u roku od 24 sata", saopćeno je nakon sjednice.



Predsjedništvo BiH pozdravlja aktivnosti Vijeća ministara BiH na zaključenju međunarodnih finansijskih aranžmana i predlaže Vijeću ministara BiH da sa međunarodnim institucijama započne razgovore oko mogućeg moratorija ili odlaganja obaveza kredita za ovu godinu.

Predsjedništvo BiH je na današnjoj sjednici obavilo konsultacije sa predsjedavajućim Vijeća ministara BiH dr. Zoranom Tegeltijom o Nacrtu zakona o budžetu institucija i međunarodnih obaveza Bosne i Hercegovine za 2020. godinu.

"Predsjedništvo BiH traži od Vijeća ministara BiH da ponovo razmotri Nacrt zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu, kojim će se omogućiti neometano funkcionisanje institucija na državnom nivou i realizacija njihovih ustavnih i zakonskih obaveza, uzimajući u obzir vanredne okolnosti koje su nastupile nakon prvobitne izrade Nacrta budžeta za 2020. godinu", saopćeno je iz Predsjedništva.

Predsjedništvo BiH traži da mu se novi Nacrt budžeta dostavi najkasnije do 31. maja 2020. godine. Novi Nacrt zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu treba prilagoditi situaciji prouzrokovanoj pandemijom koronavirusa, tako što će se predvidjeti uštede na strani rashoda, poštujući okvir budžeta institucija Bosne i Hercegovine koji je dogovoren na sjednici Fiskalnog vijeća 27. decembra 2019. godine. Po mogućnosti, tako osigurana sredstva treba predložiti u posebnu stavku, kojom bi se pomoglo u otklanjanju ekonomskih šteta nastalih uslijed pandemije.

U srijedu oko 12 sati uživo na Otisku: "Građani pitaju" gradonačelnika Brčkog



Foto: Arhiva

Otisak.ba će u srijedu, 8. aprila oko 12 sati, na svojoj facebook stranici emitirati prvo izdanje video emisije uživo "Građani pitaju".

Gost emisije je gradonačelnik i komandant Kriznog štaba Brčko distrikta Bosne i Hercegovine – Siniša Milić.

Otisak ovu emisiju pokreće povodom brojnih pitanja građana koja pristižu u vezi sa situacijom oko korona virusa.

Svrha emisije je odgovoriti na brojna pitanja koja muče građane, u saradnji sa izabranim gostima nadležnim za određene teme.

Pitanja spremna

Građani su od 1. aprila mogli postavljati pitanja Miliću, čiju selekciju je napravio glavni i odgovorni urednik portala Adis Mujdanović, te su ona spremna za emisiju.

“Tokom odabira pitanja koja su nam pristizala vodio sam se određenim kriterijima, jer, zbog velikog broja, neće biti moguće odgovoriti na baš sva pitanja. Osnovni kriterij mi je bio javni interes, na osnovu kojeg sam vrednovao pitanja po bitnosti. Na neka pitanja građani su već dobili odgovor, te ih molim da dobro isprate informacije objavljene u medijima. Neka od pitanja su ostavljena za naredne goste, jer se njih tiču direktno”, izjavio je Mujdanović.

Gledaoci koji budu propustili emisiju uživo, moći će da je pogledaju i na portalu, na kojem će biti objavljena nakon emitiranja uživo.

Milić: Zahvalnost službama koje rade i u vrijeme epidemije

Gradonačelnik i šef Kriznog štaba **Brčko** distrikta Siniša Milić izjavio je danas da su svi građani distrikta podnijeli ogroman teret u dosadašnjem provođenju mjera na suzbijanju širenja virusa korona.

“Jedni su u obavezi da se pridržavaju mjera i naredbi Štaba, a drugi su aktivno radili i rade na realizaciji brojnih aktivnosti, rizikujući i vlastito zdravlje, kao što su medicinski radnici, policija, inspektori, javna bezbjednost, Crveni krst i brojni pojedinci. Svi zaslužuju našu veliku zahvalnost. Kad se izborimo sa epidemijom, oni moraju dobiti odgovarajuće društveno priznanje za svoj angažman”, rekao je Milić Srni.

On je naglasio da se, nakon prvog paketa mjera pomoći privredi, razmatraju mogućnosti adekvatne podrške i licima koja se nalaze na evidenciji Zavoda za zapošljavanje, kao i neke druge mjere usmjerene na olakšavanje života svih građana **Brčkog**, u obimu u kom je to objektivno moguće.

“Najvažnije je da u svemu ovome ne bude politike i da nastavimo da djelujemo zajednički kao i do sada”, poručio je Milić.

Brčanski gradonačelnik je ukazao da, ipak, postoje pojedinci koji bi i u ovom vremenu željeli da se bave politikom, da hvataju bolju startnu poziciju pred izbore, ali su oni, na sreću, u manjini, i za sada se, zbog moguće osude javnosti, uglavnom oglašavaju putem naručenih tekstova u pojedinim medijima.

“Biće vremena za politiku, otvoreno i bez skrivanja iza lažnih imena. Sada nam je najvažnije da se izborimo sa epidemijom, sačuvamo živote ljudi i da stanje na području **Brčkog** ostane pod kontrolom”, rekao je Milić.

Objavljen Javni poziv za pomoć privrednim subjektima

Odjeljenje za privredni razvoj, sport i kulturu **Vlade Brčko distrikta** BiH objavljuje Javni poziv za raspodjelu novčanih sredstava u skladu s Programom mjera za sanaciju šteta u privrednim subjektima **Brčko** distrikta Bosne i Hercegovine nastalih ograničenjem rada zbog pandemije izazvane korona virusom.

Javni poziv ostaje otvoren 10 dana od dana objavljivanja.



IZDATA UPOTREBNA DOZVOLA ZA OBILAZNICU OKO BRČKOG SAOBRAĆAJ ĆE PONOVNO BITI PO STAROM REŽIMU

Nakon što je krajem prošle sedmice Odeljenje za javnu bezbednost izdalo upotrebnu dozvolu za novoizgrađenu obilaznicu oko **Brčkog**, na ovoj saobraćajnici će uskoro biti ukinut privremeni režim saobraćaja uveden nakon njenog otvaranja polovinom jula prošle godine.



Izgradnjom obilaznice oko **Brčkog** grad je rasterećen teretnog saobraćaja u tranzitu, što je olakšalo svakodnevni život stanovnika ovog grada

ŠEF ODELJENJA ZA javnu bezbednost Edin Zaimović rekao je da tokom stručne ekspertize, koju je radio IG Banjaluka, nije bilo nijedne primedbe na izvedene građevinske radove.

- Na osnovu nalaza koje je ovo preduzeće utvrdilo, svi građevinski radovi su izvedeni u skladu s građevinskim propisima. Za stručno mišljenje u vezi sa izvedenim radovima budžetom je bilo predviđeno 100.000 KM, ali nas je taj posao koji je uradila ta firma koštao upola manje novca - rekao je Zaimović.

Istakao je da sledi uklanjanje vertikalne signalizacije o privremenosti upotrebe obilaznice, kao i signalizacije koja se tiče ograničenja brzine.

Miroslav Miškić, direktor JP „Putevi **Brčko**“ kaže da su tehnički prijem i upo-

trebna dozvola dokaz da su radovi izvedeni u skladu s projektnom i građevinskom dozvolom.

- Već ove sedmice pozvaćemo izvođača s kojim imamo ugovor na održavanju signalizacije da ukloni table koje upozoravaju na privremeni režim saobraćaja i table o ograničenju brzine na 60 kilometara na čas. Postavićemo table koje već imamo o dozvoljenoj brzini od 80 kilometara na čas - rekao nam je Miškić.

Pojasnio je da se horizontalna signalizacija neće menjati, iako je bilo zahteva za više isprekidanih linija, ali ih je glavni projektant odbio, pošto bi to značilo bržu i rizičniju vožnju na saobraćajnici koja prolazi kroz ravničarski deo.

- Zahvaljujući tome nismo imali problema tokom



privremenog režima saobraćaja i nadamo se da će tako i ostati. Ograničenje brzine od 80 kilometara na čas nije veliko za saobraćajnicu ovakvog kvaliteta i performansi, ali to mora da se poštuje. Radarske

kontrole ostaju i policija će raditi svoj posao - istakao je Miškić, i pozvao vozače da bez obzira na mogućnosti i kvalitet saobraćajnice poštuju ograničenja.

Miškić kaže da su kružni tokovi na zaobilaznici na račun kojih se mogao čuti niz primedaba takođe izgrađeni u skladu s projektom i građevinskom dozvolom.

- Primedbe o gužvama na kružnim tokovima su smešne jer ne postoji nijedno veće naselje i tranzitna saobraćajnica koji u špicama nemaju gužve - rekao je Miškić.

Najavio je da će u skladu s obećanjima i zahtevima mesnih zajednica već tokom ovog meseca na dve raskrsnice u nivou postaviti semafore.

- To su raskrsnice Begovača-Boderište i Grbavica-Šić. Procenili smo da su zahtevi mesnih zajednica opravdani i da je postavljanje semafora potrebno jer na tim raskrsnicama obilaznicu dnevno presecaju dve hiljade vozila. Proveli smo nabavku, dobili građevinsku dozvolu i sve saglasnosti. Uradimo to već u aprilu - zaključio je Miškić.

C. Kovačević ■

CENA OBILAZNICE

Izgradnja obilaznice oko **Brčkog** od 18,8 kilometara počela je krajem septembra 2015. godine. Finansirana je kreditom EBRD-a u iznosu od 28,5 miliona evra. Prema ponudi izvođača radova, građevinska cena ovog objekta bila je 24,5 miliona

evra, ali je zbog dodatnih radova porasla na oko 28 miliona evra, što je sa troškovima nadzora znatno poskupelo celokupni projekat, pa je nedostajućih 2,5 miliona evra obezbeđeno iz budžeta **Brčko** distrikta.



ФОТО-ВИЈЕСТ



БРЧКО - Након што је изгубио контролу над возилом и слетио у Саву у **Брчком**, возач је успио да се извуче из ријеке. BMW су из ријеке извукли припадници Одјељења за јавну безбједност и чланови Ронилачког клуба "Немо".

J. С.



Na području Unsko-sanskog kantona u medicinskim ustanovama zaražene su tri osobe koje su nemedicinsko osoblje

Goran LAJIĆ

GoranL@nezavisne.com

Zlatan ČEKIĆ

dopisnik@nezavisne.com

BANJALUKA, SARAJEVO - Virus korona u Bosni i Hercegovini ne prestaje da odnosi živote, te je zabilježeno još pet smrtnih slučajeva, od toga tri preminula su u RS, po jedno iz Banjaluke, Ribnika i Bijeljine, dok su u FBiH preminule još dvije osobe: po jedna iz Čapljine i Cazina.

U BiH je juče bilo potvrđeno ukupno 688 osoba pozitivnih na virus korona, dok su se pod nadzorom nalazila 18.162 lica.

"Prema podacima Federalne uprave za inspeksijske poslove, u FBiH juče do 13 časova od 3.284 testirana lica virus korona je potvrđen kod 371. U RS je od 2.923 testirana virus potvrđen kod 304

Još pet žrtava korone



lica. U Brčko distriktu je nakon 117 testiranih novi virus potvrđen kod 13 lica", saopšteno je iz Ministarstva civilnih poslova u Savjetu ministara.

Naveli su da je u FBiH do sada od posljedica virusa korona preminulo 18 ljudi, u RS devet, dok u Brčkom nema preminulih.

"Sa današnjim danom

imamo ukupno 35 osoba koje su se oporavile od novog virusa korona. Dvije žene starije životne dobi preminule su u posljednja 24 časa na Klinici za infektivne bolesti UKC RS u Banjaluci od posljedica virusa korona. U RS devet osoba je preminulo od posljedica kovid-19", saopšteno je juče u Institutu za javno zdravlje RS.

Alen Šeranić, ministar zdravlja i socijalne zaštite RS, rekao je juče ujutru da su tokom prethodna 24 časa obavljena 94 testiranja i da je dvoje pozitivno, te dodao da je dobra vijest da se od bolesti izazvane virusom korona oporavilo 35 lica, a da se većina njih odnosi na treći klaster iz Banjaluke.

RS USPJELA DONESENIM MJERAMA U BORBI PROTIV ŠIRENJA VIRUSA USPORITI TOK EPIDEMIJE

Prema njegovim riječima, u UKC RS u Banjaluci nalazi se 37 pacijenata sa teškom kliničkom slikom, a 49 osoba sa lakšom i srednjom kliničkom slikom smješteno je na staroj lokaciji Pulmologije.

"Na respiratoru imamo sedam osoba, a u izolaciji u UKC 10 lica čeka nalaze. Dvije žene, iz Banjaluke i Ribnika, koje su preminule od posljedica oboljenja virusa korona, bile su na respiratoru i imale niz drugih oboljenja", rekao je Šeranić.

On kaže da je najviše pozitivnih na virus korona životne dobi između 30 i 65 godina, njih 200, a potom stariji od 65 godina kojih je registrovano 43.

Glavni koordinacioni tim u RS juče je razmatrao trenutnu epidemiološku situaciju, a njegovi članovi su ocijenili da je RS uspjela donesenim mjerama u borbi protiv širenja virusa usporiti tok epidemije i smanjiti udar na zdravstvene ustanove.

Oni su razgovarali i o ekonomskim mjerama koje nadležne institucije RS donose u cilju ublažavanja posljedica uticaja virusa korona na privredu RS.

Fadil Novalić, premijer FBiH, rekao je juče da je u BiH stiglo 150.000 testova iz Južne Koreje, koje je kupila Vlada FBiH.



Zahtjevi Vijeću ministara

Predsjedništvo BiH traži od Vijeća ministara BiH da, u saradnji sa entitetskim vlastima i vlastima Brčko distrikta BiH, u roku od 24 sata, na graničnim prelazima za protok ljudi osigura karantine. Ukoliko se to ne uradi, Predsjedništvo BiH traži da se zatvore svi takvi granični prelazi. Zatraženo je da se karantini osiguraju i u lokalnim zajednicama. Od Vijeća ministara se traži da ponovo razmotri usvajanje Nacrta zakona o budžetu institucija BiH za 2020, koji treba biti dostavljen najkasnije do 31. maja i koji treba prilagoditi situaciji prouzrokovanoj pandemijom koronavirusa.



Organizacija je pola posla

Nije valjda prevladala logika "u se i u svoje kljuse" ili kako se sitnim koracima mogu napraviti džinovski pomaci

NAGRADE Na nivou države, entiteta, distrikta Brčko i kantona donijeti odluku da se donese odluka da se isplate za 100% veće plaće kategorijama: ljekarima i svom medicinskom osoblju, rudarima, uposlenicima u elektroprenosu, vodovodima, komunalnim službama i nastavnicima, policiji, a bar 30% prodavačima i apotekama. Na pitanje kako, odgovor je jednostavan - iz sredstava koja se na svim nivoima od države, entiteta i kantona izdvajaju za rad političkih stranaka. Bez razmišljanja i bez izuzetka. Oni su heroji koji su to zaslužili, jer su doprinijeli da manje-više ljudi normalno žive u ovim nenormalnim vremenima, bez obzira na to kako se zovu, kojoj stranci pripadaju, koja im je religija bliska. Zamislite samo 24 sata bez struje ili vode. Propade hrana koju su ljudi kupili, pogotovo u urbanim sredinama. Samo lud čovjek to ne može shvatiti. Ljudi bi stajali u redovima, ložili po stubištima, na terasama ili pred zgradama. Zamislite taj kaos i idealnu situaciju za bliski kontakt i širenje virusa.

ORGANIZACIJA Uzмимо za primjer stambene objekte od pet i više

spratova. Predsjednici kućnih savjeta - povjerenici trebaju napraviti spisak stanara po spratovima, kada koji kat, pogotovo stariji mogu izaći pred zgradu na 20 minuta, kada oni (mlađi od 18 godina) mogu izaći pred zgradu isključivo u društvu roditelja ili staratelja, uzeti čistog zraka pridržavajući se mjera - maske i rukavice, kada se izvode u kratku šetnju kućni ljubimci. U vrijeme izlaska da se lako organizovati i dostava najneophodnijih namirnica starijim. Nemojmo čekati da sve dolazi sa vrha. Predlažimo mala, a velika rješenja i odozdo prema vrhu MZ, kantona, Federacije.

Drugi primjer, minimalne su razlike u gradivu osnovnih i srednjih škola, jedan nastavnik, profesor predaje svima, a učenici zadatke, odgovore dostavljaju svojim nastavnicima i profesorima. Predavanje ne bi trebalo trajati duže od 15 minuta, a daci bi imali 30 minuta za rješavanje eventualnih zadataka. Voditi računa da nema više od tri zadatka. Budimo pošten, sumnjam da će jedan nastavnik, profesor biti prestrog, imamo iskustva iz rata. Iskreno, strah

me je mogućeg budućeg vršnjačkog nasilja, da ne govorimo o sindromu PTSP-a koji može i kod daka, ali i kod profesora te kod stanovnika ostaviti trajne posljedice, samo će se tad vjerovatno nazivati CoronaPTSP!

PREKLAPANJA Treba donijeti odluku o zasjedanju kriznih štabova na nivou Federacije bar. Odrediti ko ima u 10, 11, 12... sati najnovije informacije i olakšati medijima, slušaocima, novinama, agencijama da lakše "isprate" događaje, jer stanovnike iz Ljubuskog će interesovati stanje u lokalnoj zajednici, a manje šta se dešava u Tuzli, sasvim normalno. Tako neće biti preklapanja u terminima. Sugerisati zvaničnicima na to da njihove informativne službe "skrate" tekstove koji su i prazni i često reda radi, pa i politički obojeni, a ostaviti više prostora za novinarska pitanja.

MEDIJI Nije vrijeme za ekskluzive. Cilj je, valjda, sačuvati ljude. Novinari će pasti s nogu, trčeci sa zadatka na zadatak. Niko ne zna koliko će ovo trajati. Zašto se ne koristi jedan dopisnik za sve medije? U ratu su se dopisnici Oslobođenja javljali i za radio i televiziju. Ljudi su ljudi s



Hoće li Predsjedništvo BiH protestovati?

porodicama, treba ih maksimalno i odmoriti i sačuvati, može biti kasno... Zaboraviti sužete, a kad se situacija popravi, neka svako nastavi po svoj shemi, načinu rada. Gledam neko veće na jednom javnom servisu emisija "uživo" s gostima o virusu, drugi javni servis (a za oba se plaća RTV taksa) snimak neke davne fudbalske utakmice. Pobogu, ljudi, šta vam je, gdje vam je solidarnost, empatija, za koga vi radite?

BOLESNICI U glavi ne mogu da poredam šta rade Lutrija BiH, Binge i SuperLoto. Ako je to prvenstveno zabava u kojoj uživaju ljudi, a treba da je u osnovi, za koju vrstu bolesnika organizuju igre? Za one koji su ovisnici. Siguran sam da će mi ti poiminjati rahmetli majku. No, neka, ne mogu da to ne napišem.

NEK' KOMŠIJI CRKNE KRAVA Očekujem da reaguje Predsjedniš-

tvo BiH. Ponovna priča o izgradnji odlagališta za nuklearni otpad je u ovoj situaciji najmanje - užasna. Očekujem oštar protest predsjedniku Republike Hrvatske, Evropskoj uniji, a očekujem i da će Republika Srbija, pa i Bugarska također reagovati. Ja sam geografijski/zemljopis davno učio. Jer, podsjećanja radi, Una se uliva u Savu, Sava u Dunav. U slučaju da se odlagalište izgradi na toj lokaciji, eventualni akcident ugrozio bi ne samo rijeku Unu i stanovnike u okolini već bi se riječnim tokovima ugrozio čitav sliv Save, stanovnici, biljni i životinjski fond, a da se ne zaboravi, i za napajanje stanovništva iz ovih rijeka... ne smijem ni da razmišljam dalje, Corona će kad-tad stati, a nuklearni otpad može na najmanje 1.000 godina ovo područje učiniti neuslovnim za život. A i sada ljudske patnje već su ogromne...

ESAD CEROVIĆ



U početku su se bavili proizvodnjom svježih i suhih šljiva

Promijeniti maćehinski odnos prema domaćem

Kompanija Voćar iz **Brčkog** preorijentisala se na domaće tržište, te u izvoz plasira od 20 do 25 posto proizvodnje

Iako se posljedice pandemije osjećaju u svim segmentima života, u preduzeću Voćar d.o.o. **Brčko** ističu da se njihovi proizvodni procesi kontinuirano odvijaju i da je proizvodnja orijentirana prije svega na domaće tržište.

Potrebe

- U ovakvim okolnostima je sreća da postoje domaća preduzeća koja se bave proizvodnjom hrane. Naši proizvodni procesi su u punoj eksploataciji i ispunjavamo potrebe svih prehrambenih marketa sa kojima sarađujemo, kazao je za Fenu direktor i vlasnik preduzeća Voćar d.o.o. **Brčko** Esed Musić.

Trenutna situacija najbolje pokazuje koliko je značaj razvoja i očuvanja domaće proizvodnje.

- Jasno je da naši građani imaju određeni osjećaj sigurnosti kada znaju da imamo osigurano snabdijevanje

prehrambenim namirnicama i sredstvima za higijenu. Međutim, kod nas je odnos prema domaćim proizvođačima često maćehinski, prilično distanciran u odnosu na regionalne

Mjere uvedene s namjerom sprečavanja širenja pandemije koronavirusa odrazile su se na distribuciju

i globalne brendove. Zato je potrebno da građani BiH doživljavaju logo Kupujmo domaće kao investiciju u svoju budućnost, ističu iz tog brćanskog preduzeća.

Ipak, mjere uvedene s namjerom sprečavanja širenja pandemije koronavirusa odrazile su se i na rad tog preduzeća, a prije svega osjećaju se u otežanoj distribuciji proizvoda.

Plasman proizvoda na teritoriji BiH obavlja se putem skladišnih jedinica u Banjoj Luci, Sarajevu, Zenici, Tuzli i **Brčkom**. Izvoz na strano tržište je otežan i trenutno se 20 do 25 posto proizvodnje distribuira na tržište EU.

Asortiman

Inače, Voćar d.o.o. preduzeće za proizvodnju i preradu hrane je osnovano 1989, a u prvim godinama osnivanja osnovna djelatnost preduzeća bila je proizvodnja svježih i suhih šljiva, kao i proizvodnja drvene ambalaže za voće i povrće. Vremenom se proizvodna ponuda mijenjala i proširivala tako da danas asortiman preduzeća obuhvata 120 proizvoda.



Javni poziv za pomoć privrednicima u Brčkom

Odjeljenje za privredni razvoj, sport i kulturu Vlade Brčko Distrikta Bosne i Hercegovine objavilo je javni poziv za raspodjelu novčanih sredstava u skladu s Programom mjera za sanaciju šteta u privrednim subjektima Brčko Distrikta nastalih ograničenjem rada zbog pandemije izazvane korona virusom.

Javni poziv će biti objavljen sredstvima javnog informisanja, na oglasnoj ploči Vlade Brčko Distrikta i web stranici Brčko Distrikta: www.vlada.bdcentral.net.

Javni poziv ostaje otvoren deset dana od dana objavljivanja, saopćeno je iz Vlade Brčkog.



ILIJA STUDEN, PREDSEDNIK UPRAVE STUDEN HOLDINGA

Imamo dovoljno mogućnosti za snabdijevanje cijelog domaćeg tržišta, te za očuvanje pozicija na različitim izvoznim tržištima

Naše fabrike u Brčkom su projektovane da imaju kapacitete za snabdijevanje šire regije, kazao je Studen

Još je rano da bi se moglo govoriti o načinu na koji će se trenutna situacija odraziti na naše poslovanje. Izuzetno je važno da se u ovom trenutku svi poslovni planovi uspješno realizuju i da se isporuke odvijaju prema ranijim dogovorima, kao i prema dodatnim zahtjevima koje dolaze sa tržišta Bosne i Hercegovine (BiH), kaže predsjednik Uprave STUDEN Holdinga Ilija Studen.

Ističe da im je sada fokus na kontinuitetu proizvodnje u jedinicama jestivog ulja i šećera u zemlji, BIMAL-u i Studen-Agrana Rafineriji šećera, a obim proizvodnje je zbog potrebe tržišta na maksimumu, pri čemu ostvaruju stabilno snabdijevanje njihovih partnera.

"Naše fabrike u Brčkom su projektovane da imaju kapacitete za snabdijevanje šire regije, tako da u ovoj teškoj situaciji kada je snabdijevanje tržišta Bosne i Hercegovine različitim robama otežano, imamo dovoljno mogućnosti za snabdijevanje cijelog domaćeg tržišta, te za očuvanje pozicija na različitim izvoznim tržištima", navodi Studen. Zbog vanrednih mjera koje su na snazi, kaže, transport repromaterijala je otežan i često zahtijeva dodatnu logistiku kako bi sve isporuke tekle neometano.

"Uzmite u obzir da je logistika u našem Agroindustrijskom kompleksu u Brčkom veoma kompleksna, jer osim doprema ogromnih količina repromaterijala, isporučujemo na tržište gotove proizvode - šećer, ulje i kafu, ali i poluproizvode koji su isto tako vitalni za rad drugih fabrika, kao što su sačme za proizvodnju stočne hrane, te melasu, takođe za stočnu hranu, ali i za proizvodnju alkohola. Kad to sve uzmete u obzir, radi se o količini na godišnjem nivou od preko 400.000 tona materijala koji ulaze i izlaze iz naših fabrika. Ipak nije došlo do ozbiljnih zastoja ili prekida u transportnom lancu, naročito što željeznica dobro



Ilija Studen

apsorbuje poteškoće koje se pojavljuju u drumskom saobraćaju zbog gužvi na granicama", kaže Studen.

Efekat koji pandemija korona virusa ima na tokove njihovih roba je već u ovome momentu značajan, kaže, ali ne u tolikoj mjeri kao što ima na druge industrijske grane i servise.

"Očekujemo bitne posljedice na globalnu proizvodnju hrane, prije svega u shvatanju potrebe da se više toga lokalno proizvodi, da se jača lokalna poljoprivreda, voćarstvo, procesna industrija, i da se time podigne kvalitet hrane i otpornost država i regija na globalne krize. Budući da smo mi regionalna, ali i globalna kompanija, sigurno je da će kod nas biti određenih promjena u tokovima roba, te važnosti tržišta koje snabdijevamo. S obzirom na našu fleksibilnost i iskustvo u proizvodnji i plasmanu osnovnih prehrambenih proizvoda, uvjeren sam da ćemo biti među onima koji se brzo prilagođavaju novim okolnostima i trendovima u ekonomiji", istakao je.

Kratkoročne mjere koje su već usvojene u Brčko Distriktu i koje najavljuju entiteti, a tiču se načina za očuvanje radnih mjesta kroz pokrivanje minimalnih plata, davanja na plate i različite poreske olakšice, su svakako značajne i mogu pomoći da se lakše prebrodi vrhunac i period smirivanja pandemije u BiH, kaže Studen.

"Međutim, dugoročne mjere moraju biti usm-

jerene prema ciljanoj strategiji određivanja privrednih grana koje su prioriteti, te sistematskom radu na razvoju tih grana na održiv način, što će omogućiti ne samo održanje i otvaranje novih radnih mjesta, već će i zadržati u zemlji puno ljudi koji su prije željeli da odu raditi u inostranstvo. Ovo nije tako teško učiniti kako izgleda, dovoljno je preuzeti pristupe iz prošlosti koji su bili uspješni poslije različitih kriza. Smanjenje globalizacije bi trebalo pomoći malim ekonomijama kakva je BiH da razviju svoju privredu, a tu postoji niz metoda koji su potpuno u korelaciji sa principima održive ekonomije kakva je ona u Evropskoj uniji (EU). Ne smijemo zaboraviti da će i ubuduće naši susjedi na Zapadnom Balkanu biti naši najbolji partneri, a da je i dalje, bez obzira na probleme s kojima se struktura EU suočava, Evropa mjesto gdje jesmo, te u okviru koje moramo naći svoje mjesto uspješne i održive ekonomije". Proizvodnje u fabrikama u Agroindustrijskom kompleksu Brčko - BIMAL, Studen Agrana Rafinerija šećera i Mingos coffee su prema njegovim riječima primjer adekvatnog razvoja članica jedne bitne industrijske grane u BiH, što se pokazuje u sadašnjoj teškoj situaciji kada zadovoljavaju potrebe tržišta BiH.

"Moram reći da je to proizvod prije svega odlične organizacije, vrijednog i odgovornog rada svih naših zaposlenih", zaključio je Ilija Studen.